

Činjenice i brojke

Broj osoba kojima je potrebna humanitarna pomoć:

5.000 osoba

Iznos sredstava koje je Švicarska izdvojila u 2018:

CHF 440.000

Aktivnosti koje provodi Švicarska

- Financijski doprinos lokalnim NVO-ima koji pružaju osnovne usluge migrantima
- Financijski doprinos UNHCR-u koji pruža zdravstvenu zaštitu migrantima
- Mandat lokalnoj organizaciji za izgradnju vodovodnog sistema koja će osigurati migrantima i domaćem stanovništvu čistu pitku vodu

Finansijski doprinos partnerima u 2018

Organizacija	Iznos (U CHF)
NVO Pomozi.ba	15.000
Crveni krst Federacije BiH	25.000
UNHCR	200.000
Una Consulting/ Grad Cazin	200.000

Dodatne informacije dostupne u:

Ambasada Švicarske u Bosni i Hercegovini
Tel. +387 33 25 40 37
Azra Šarenkapa, senior program menadžerica
azra.sarenkapa@eda.admin.ch



Crveni krst Federacije BiH, uz podršku Švicarske, osigurao je hranu za migrante u Bihaću.

Kontekst

Mada je tokom migracione krize 2014/2015. bila pošteđena, Bosna i Hercegovina je od početka 2018. godine postala dio rute ka Evropskoj uniji. Balkanska migraciona ruta se pomjerila ka zapadu zbog strožih pograničnih režima u EU i zemljama u regiji. Od januara 2018. godine, više od 23.000 migranata, među kojima je veliki broj izbjeglica, prošli su kroz zemlju. Većina ih nastoji doći do EU. Snažnija i dinamičnija migracija je uočljiva u Unsko-sanskom kantonu na sjeverozapadu BiH, u gradovima duž granice sa Hrvatskom. Veliki broj migranata koji su ostali u zemlji, nedovoljan broj skloništa i surovi zimski uvjeti, predstavljaju ozbiljan izazov za malu zemlju sa ograničenim smještajnim i finansijskim kapacitetima. Oko 5.000 migranata, koji trenutno borave u BiH, izloženi su višestrukim socijalnim rizicima. Teško ostvaruju pristup pitkoj vodi, hrani i osnovnoj zdravstvenoj zaštiti.

Reakcija Švicarske

Na osnovu potreba koje je identificirala Ambasada Švicarske u BiH, vlada Švicarske podržava više humanitarnih projekata usmjerenih na migrante, kao i na lokalno stanovništvo. Projekte financira Odjel za humanitarnu pomoć Švicarske agencije za razvoj i saradnju (SDC) i Državni sekretarijat za migracije (SEM).

Pružanje osnovnih usluga

Ujedinjene nacije koordiniraju akcije međunarodne zajednice. Pored toga, uz finansijsku podršku Švicarske, Crveni krst Federacije BiH i NVO Pomozi.ba osiguravaju hranu, odjeću i druge potrepštine migrantima koji žive u prihvatnim centrima, i – u vrlo teškim uvjetima – u napuštenim objektima, šatorima ili javnim prostorima.

Izgradnja vodovoda

Više od 400 porodica smještenih u Hotelu Sedra u naselju Ostrožac na Uni, i 113 lokalnih stanovnika nemaju pristup čistoj pitkoj vodi. Projekt koji provodi Una Consulting i grad Cazin ima za cilj smanjiti zdravstvene rizike koji su vezani za vodu i osigurati pristup pitkoj vodi kako za migrante, kao i za lokalno stanovništvo.

Zdravstvena zaštita za izbjeglice i migrante

Velika većina migranata nema pravo na usluge primarne zdravstvene zaštite. Švicarska podrška UNHCR-u doprinosi da 1.000 migranata ostvari pristup adekvatnoj zdravstvenoj zaštiti preko lokalnih zdravstvenih institucija. Osigurana medicinska oprema i lijekovi će unaprijediti zdravstveno stanje migranata i smanjiti rizik mogućeg širenja bolesti.